



如阜縣志

ル 5
3280
1



門 几 5
號 3280
卷 1

如皋縣志

昭和十八年
八月十八日
購末



序
如皋之有志於舊矣
始自有明天順八年
其後修者凡五家

如皋縣志

序

女身果志
後為鄭志余承之
如臯之次歲紳士
咸進而言曰自鄭
志之修今又五十餘

年矣五十餘年中
因革增損固不一而
足而一切孝義廉節
有待表章者非更

女身集志
一
修無以傳且恐愈久而漸湮也余曰然
懼余德薄力孱弗克荷茲任衆固以

請乃謂之曰修志之舉任其勞且任怨者也任勞之道厥惟勤任怨之道厥惟公

既勤且公而怨不可
弭勞而無所則事
之無如何而此心可
不愧焉從事者兩

閱寒暑書乃成搜
羅見聞頗為詳盡
又皆斟酌出之無或
袒蔽未知臨覽是書

者以為何如而成之
者亦夏、平、其、雜、矣
至於志之有裨政
治與夫體裁凡例

舊叙其系詳無事贅
言也是為序

昔

嘉慶九年歲在甲子

夏六月穀旦知如阜

縣事歷城楊受廷

撰并書



重修如阜縣志序

考志書之修有一統志郡國志省志地廣事繁皆約而不備惟一邑之乘如忠孝貞節以及科名勲業戶口建置城郭陂池海防軍政莫不備書以供統志郡志省志之採擇



則邑乘所關豈淺鮮哉前邑
令虛谷楊君蒞臯諸政率由
舊章查邑乘之修自盧公縉
鄭公見龍以來大抵皆六十
年一舉今將符六十年之數
例應續修申詳各大憲皆可
其請迺與邑之縉紳范徐諸

君蒐羅遠近考訂見聞正舊
志之舛訛採輿論之確據先
後延邑明經葯船江子山左
進士春帆馬子司載筆之任
商摧釐定閱二載而稿甫脫
未及付梓而楊君以憂去元
鎮受代卽謀葺事適以王學

女學集志 序
士齋與定惠寺僧爭侵地未
解遲延至今凜遵

宸斷

乃紀實而全書告成焉夫作
史莫難於志志以傳信瞻徇
依違瑕瑜雜廁固失之濫而
或持論過峻繩削太重詡取
舍之矜嚴致幽光之掩抑亦

殊非善善從長之義政暇三
復茲編敘次綦詳揄揚悉當
不以率略倆成規不以瑣屑
乖體制不以小疵累大醇不
以偏長飾全瑜俾讀者知典
禮之不可踰越也知富庶之
所以永保也知一節之善取

而不遺敗檢之行不齒里巷
洵可以繼軌前徽風勵後世
增邦邑之光備

輜

軒之採矣惜


元鎮

來獨後不

獲從事楮墨以襄茲役而深
嘆楊公主持之公與董事諸
君延訪之確而江馬二子之

記載為足信今而傳後也爰
為點定一二俾梓人速竣其
工書此以弁其首焉時

嘉慶十三年歲在戊辰知如
臯縣事乾隆癸卯科舉人河
間左元鎮撰序



直隸試用吏目邑人范維鐘

附貢生邑人熊炳綸

增監生邑人朱大剛

捐職布經邑人沈為樑

原任兩浙寧紹鹽運副使邑人徐觀政

乙未進士原任四川長寧縣知縣邑人范輅

監生邑人劉泰

原任湖南江華縣錦田寨巡檢邑人朱洪壽

原任湖北善化縣典史捐陞鹽經邑人張灝

候選縣丞邑人張壽承

分纂

廩膳生員邑人許輝祖

生員邑人王香

生員邑人馬步雲

廩膳生員邑人吳之芬

廩膳生員邑人冒玉鐘

廩膳生員邑人黃端

一忠孝節義從前缺漏未志者今採訪的確增入之所以
闡幽隱也

一懿德善行必確有實蹟可據邑人心悅誠服者為之立
傳不然則否

一節婦生存年限合例者載之以遵

功令於例未符者不載

一藝文於邑究利弊關風化著事實者收錄即間有格涉
平庸語不雅馴亦未忍棄若流連景物不過月露風雲
雖工妙不取

一歷代邑人著作仍詳列書目序文俾好學者蒐輯而觀
覽焉

一新志自辛酉冬間開局至甲子夏告成或據公牘或采
鄉評闡揚五十餘年隱德務求實跡不事浮誇但恐窮
鄉僻壤耳目難周不無遺憾

如臯縣志目錄

卷一

星野志 圖附

卷二

疆域志

沿革並圖

形勝

江海

山河支河附

四境

卷三

建置志

城垣隄堰

水關

市河

濠河並圖

坊

官署並圖

壇廟

寺觀

卷四

賦役志一

戶口辦

田賦

民田

竈田

羣田

雜

辦

雜

卷五

賦役志二

沙田並圖

徭役

蠲免

荒賑

蠲免

荒賑

卷六

物產志

卷七

鹽法志

竈課
竈房

場界
煎曬

草蕩
公垣

竈丁
廨舍

鹽鐵
折鹽

亭場
舊鐵

並圖
滷池

卷八

方俗志

方言附

卷九

學校志

學制
書籍

崇祀
書院社

禮儀
學義學

附並圖
器數

學額

學田

卷十

禮典志

慶賀
祈禱

開讀
救護

宣講
廟祭

迎春
壇祭

耕藉
祠祭

新任
羣祀

賓興
歲時

入學

卷十一

軍政志

掘港營圖

海防圖

卷十二

秩官志

表附

卷十三

選舉志

一進士
一達

舉人
封廕

歲貢

辟薦

武科

武

卷十四

選舉志

二科第
二達

封廕
貢舉

議叙

應例

武科

武

卷十五

名宦傳

卷十六

列傳

一人物

儒林

孝友

忠烈

卷十七

列傳二 文苑 宦績 武勳 義行 耆壽 方技

卷十八

列女傳一 烈婦 貞女

卷十九

列女傳二 節婦 貞壽

卷二十

藝文志一

卷二十一

藝文志二

藝文志三

卷二十二

古蹟志 園 樓 亭 齋 堂 軒 墓 屋 莊 館

卷二十三

祥禳志

卷二十四

別錄志

附錄

舊志序

如臯縣志卷一

星野

天者羣物之祖也故聖人法天而立道洪範初一日五行次二曰敬用五事肅又哲謀雨暘寒燠應之臯地隸揚州星分斗宿天人感召於此覘焉志星野

星宿分野

周禮保章氏注星紀吳越也

爾雅星紀斗牽牛

按牽牛非牛宿乃河鼓也

左傳昭公二十二年吳伐越晉史墨曰越得歲而吳伐之必受其凶釋者以為歲在星紀

按鄭元云天文分野斗主吳牽牛主越此是歲星在牽牛故吳伐之凶

漢地理志劉向曰吳地斗分越地牛女分

史記天官書斗江湖牽牛婺女揚州

漢書天文志同

帝王世紀自斗十一度至婺女七度曰星紀之次

古星經在辰曰丑次曰星紀宿曰斗牛女州曰揚國曰吳

越

劉歆三統歷自斗十二度至婺女七度為星紀

費直周易說起斗十度至女五度

蔡邕月令章句起斗六度至須女二度

魏太史令陳卓論郡國所入宿度曰廣陵入牽牛八度

按月令中星昏弧旦建注云弧星近井建星近斗井斗度廣不可的指故以弧建定昏旦之中竊謂季春旦仲秋昏皆中牽牛亦近斗而未至牛宿此云廣陵入牽牛八度後人誤揚州府為牛度者由此

晉天文志南斗十二度至須女七度為星紀於辰在丑吳越之分野

隋志同

唐天文志斗牽牛星紀之次也起南斗九度終女四度其分自廬江九江負淮水下南盡臨淮廣陵至于東海又逾南河丹陽會稽豫章郡西濱彭蠡南涉越州盡蒼梧南海百粵之國皆星紀分也南斗在雲漢之流當淮海之間為吳分牽牛去南河遠為越分

按吳越南而星紀北世多疑之故一行僧星次分野山河兩戒之說載於唐書可証江浙閩廣斗牛異度

宋兩朝天志天市垣南第六星曰吳越

按此條不言星紀乃以天市垣星紀中國之土也天無不覆中國適當天市之垣尊中國居中以御故地之星野以全天二十八宿配之曰某地斗牛尊天居上以臨故天之象度以所對中國之土配之曰某星吳越天雖運行而本體定位與地反對房兔對西虛鼠對南昴雞對東星馬對北猶仰儀測晷日光所射度度經緯對衝非卽吳越南而星紀北之理乎


元天文志斗四度二十六分六十六秒入吳越

元授時歷自斗二度七十六分八十五秒至女二度六分三十八秒爲星紀


明清類分野書斗三度至女一度屬揚州

國朝江寧布政司所轄府州縣定臯邑分野統於斗度

天文分野古稱星紀之次吳越揚州星紀於辰在丑其星斗牽牛揚州古九州之一吳越所封國至春秋時寢大吳越雖同星紀吳屬斗而越屬牛女以今考之十九省中江蘇安徽江西吳地浙江福建廣東爲越地皆古揚州域合言之斗牛女分言之則兩江屬斗浙閩粵屬牛女江南惟泗邳屬奎婁穎亳屬房心非揚州古境此外全省皆斗度如臯於春秋爲吳斷無牛宿分野之理



斗分野吳分之圖



牛女分野吳分之圖



牛女分野

如臯縣志卷一終



如臯縣志卷二

疆域 沿革 形勝 江海 山河支河附 四境並

禹會諸侯於塗山執玉帛者萬國周武王列爵分土封國千七百餘秦設郡縣以來大邑視春秋小國有過無不及臯負海抱江廣袤數百里固雄勝之區也志疆域

沿革

虞夏商周揚州之域

書云淮海惟揚州周禮職方東南曰揚州

春秋為吳地

左傳哀公十二年衛侯會吳于鄆杜預注曰鄆發揚也
羅泌路史曰海陵東南有發揚口今臯北四十五里力

疆域

卷一

疆域

乏橋卽其地

戰國屬楚

史記越世家勾踐已平吳以兵北渡淮與齊晉諸侯會於徐州致貢於周元王賜勾踐胙命為伯勾踐已去渡淮南以淮上地與楚

秦隸九江郡

南畿志云通州軍山秦始皇二十二年至此屯軍

漢為海陵縣地屬臨淮郡隸徐州

漢書臨淮郡海陵縣呂志作廣陵縣又云當是海陵之輿縣鄭志辨之

後漢為東陽縣地屬廣陵郡隸徐州

後漢書志廣陵郡東陽縣南畿志云漢海陵縣後漢省入東陽

三國為魏地後屬吳

宋書志云海陵縣三國時屬魏揚州府志云吳復置海陵縣

晉為海陽縣地屬廣陵郡隸徐州

晉書徐州廣陵郡海陽嘉靖維揚志晉為海陽縣皇輿表晉武帝於故海陵縣地置海陽縣屬廣陵郡

東晉為如臯縣

宋書志海陵郡如臯縣晉安帝立南畿志云如臯縣本廣陵地東晉始置縣宋齊因之屬海陵郡

宋屬海陵郡隸南兖州齊梁陳因之

宋書志云海陵郡如臯令

隋省入寧海縣屬江都郡隸揚州

隋書隋開皇初廢海陵郡志云江都郡寧海縣併如臯縣入

唐省入海陵縣析置海安縣隸淮南道

唐書志景龍二年析置海安縣輿地志云廢寧海縣在如臯縣境南畿志曰唐析海陵縣置如臯鎮

偽吳武義中分置如臯場屬揚州

太平寰宇記唐太和五年析海陵之五鄉置如臯場屬泰州

南唐復升為如臯縣屬泰州

續文獻通考本唐如臯鎮南唐升為如臯縣屬泰州馬令南唐書陸游南唐書昇元元年升海陵縣為泰州割鹽城泰興如臯興化縣屬焉按周世宗顯德五年景始獻淮南十四州畫江為界縣入於周

宋縣屬泰州隸淮南東路

宋史淮南東路泰州海陵郡本團練乾德五年降為軍事建炎三年入於金尋復領縣如臯皇輿表如臯縣宋屬泰州

元屬泰州隸揚州路轄淮東道

元史志至元十四年立泰州路總管府尋改為州隸揚

如皋縣志 卷二
州路屬江北淮東道領縣皇輿表如皋縣元屬揚州路
泰州

明屬揚州府泰州隸南直隸

明史南直隸揚州府泰州如皋縣

國朝初因之雍正二年改通州為直隸通州以縣屬焉隸江

蘇布政使司乾隆二十六年改隸江寧布政使司

形勝

南齊郡志東屆海隅地曠土平

宋狄遵修海堤文據江海之會掘襟帶之藪

明呂克孝疆域考邑當通泰之間負海枕江角倚鼎峙卽
幅員少儉而保聚為難故經以城垣聯以都鄙辨以井閭

然後臂指之勢成其於域民不險而固矣

嘉靖庚申縣志以丁堰為喉舌摩訶為屏蔽黃橋其出入
之衝海安其控扼之所

續志東聯滄海勢壓島夷南控大江氣吞吳會挹摩訶之
秀麗拱淮泗之逶迤

江南省志縣東距海掘港豐利諸鹽場碁布其間運鹽河
自泰州東行經縣界入通州東達於呂四場其聯絡貫注
者為串場河匪惟鹽艘所關亦設險之地也

江海

揚子江自西南出泰興界逕靖江縣南東入江寧鄉為縣
境東過絲魚港入通州界

呂克孝志云舊志江距縣七十里今止六十里激齧日廣江寧一鄉蕩析過半嘉靖季年縣尹黎堯勳具詳均派坍糧始甦民困隆萬以來江沙復漲濱江之民築岸成田佃納蘆課然坍漲不一未可以為恒產也

東海東自泰州界遠出如皋境歷李家堡豐利馬塘入掘港都司營蓋維揚之門戶也自此轉入通州界過料角嘴乃與江水合流

山阜

摩訶山一名段山上有大聖殿

一統志在如皋境舊志云初連北岸距石莊二十里自永樂以來田沒入江民輸坍租甚苦嘉靖間知縣黎堯

勳奏准均派今江又日加激齧去岸六十里山下沙洲

為江陰靖江二縣百姓占墾山已連蘇州之常熟反與

如皋隔絕實則縣之南界也

呂克孝詩濤捲玉龍凌赤岸雨分嵐翠點青螺

竹排嶺在摩訶山南二十里石氏先世皆葬嶺下

顧氏分譜載竹排嶺為皋境今山為波濤激齧青畦化為白浪浮螺一嶼已距厓六十里矣

蠓山一名車蠓山在掘港西北之苴上土人取車蠓棄殼海濱積累成山高十餘丈上聳一峯望之若浮巒孤嶼出沒雲濤中今海潮蕩滌徒有其名耳邑人黃端有蠓山賦三台山在縣北三里知縣周鼎鑑因青烏家言斥俸金壘土成之適有

賜遂名三台崇宇傑閣林木邃凌春煦秋霽邑人稷集朋遊以是爲丹巘青嶂矣周令去後荒廢已久乾隆元年知縣丁元正重加培植山頂築曠觀亭山腰有澄懷舫環列桃李榆柳復還舊觀今又荒廢

碧霞山亦名泰山卽今伏海寺明冒氏張氏築建上有碧霞元君祠曲水長堤左右環映幽林曠墅迴隔市囂風月佳辰雅堪延眺乾隆四十一年僧先志重修

謙山卽壽山一石突出其麓不知所屆人以山在地中有謙之象故更今名

土山一在安定鄉地名土山頭原有白馬將軍廟今改祠元君一在豐利場有東嶽行宮一在石莊鎮一在馬塘場

平阜縣南七十里江寧鄉東西延亘六十里

赤岸縣東北迤南延亘六七十里脉接蜀岡土高色赤

枚乘七發云凌赤岸郭璞江賦鼓洪濤於赤岸文選註在廣陵與縣如阜卽漢與縣故地也

浦岸縣北五十里東西延袤五十餘里土特高阜產艾相傳孫思邈真人遺種

河渠

運鹽河淮水從茱萸灣分流東南一百二十里逕泰州

左傳魯哀公九年吳城邗溝通江淮宋史漢吳王濞開邗溝自揚州茱萸灣通運海陵陸君弼揚州府志吳王一濞開邗溝自揚州茱萸灣通海陵倉及如臯磻溪濞以

諸侯專煮海爲利鑿河通道運海鹽此運鹽河之始也
江都縣志明運鹽河在城東北二十里自灣頭鎮起東
行七十里至斗門入泰州界通如臯縣通州及諸鹽場
漢吳王濞開歷漢唐宋元皆先後疏濬洪武以來時通
時塞宏治間運使畢亨從葛欽議修之欽議云吳城邢
溝漢通江淮渠唐始置堰宋易以壩我朝都北其財賦
仰給東南尤爲要害今灣頭以東止一河而通泰如臯
海門四州縣富安等二十四鹽場船皆輻輳每患壅閼
不通王端毅恕巡撫時建通江大同朝宗上下四開水
不走洩今皆廢弛商船多滯官運大稽請循端毅故蹟
復爲修濬嘉靖四十一年巡鹽御史金應奎檄江都縣

同泰州知州濬之鹽法志乾隆四年正月河道
斌疏言通州泰興如臯承揚之委原屬揚州新分河
脉絡相貫民生休戚相關則通州暨兩屬沿海十場之
鹽場河本與江都灣頭相接今多淤阻並宜開濬深通
庶濱海商民咸歌樂土

又東一百二十里逕海安牙橋

牙橋洩運河水乃通泰如臯數州縣千萬年利害所關
億萬人生命所繫歷宋元明以來同以開洩爲患者也
乾隆十七年奸商復行私開上河水涸河枯邑人石
等具控十八年巡撫莊親勘堵塞立碑永禁
邑人冒日乾議塞牙橋揭查得運河自高寶至灣頭分

支入間經泰州至海安歷如臯通州海門上十場鹽場中二鹽場入海此上河也高寶以東泰州海安以北興化鹽城二縣東台富安等中下十鹽場地勢窪下形若釜底衆水所注汪洋停滙此下河也上河較下河高逾數丈高卑懸殊隔絕不通此上下河之分也上河爲上十等十二鹽場運鹽之路由灣頭出閘而下河各場則一路由秦潼河一路由西溪河一路由車塚河或至泰州北門過壩或至高郵北門過壩惟富安一場則間由濶河四十里至海安中壩過壩而安豐各場則絕不至海安此上下河運鹽之路也至於牙橋一河乃元末僞吳張士誠原係白駒場鹽徒竊據安豐逕開此河以運

私鹽直至通州入江轉鬻吳會此牙橋之所由也初以牙橋直通上河而海安城南有焦港西有白米鋪港東有孫公鋪高港俱南通江每遇水發大艦小艇羣載私鹽悉由牙橋出口逕至三港入江千百成聚莫敢譙阿恐釀亂萌洊至猖獗故塞之又慮其盜決也故壅土數里以永絕之此牙橋之所由塞也牙橋之塞雖經二百五十餘年而不逞之徒眈眈私販未嘗一日不欲開先年吳希堯誑告棊院蒙柳責究罪立碑嚴禁近年丁珠復誑康院蒙委勘議而奉委者未悉原委建議未確遂爾誤開蓋私鹽由各壩盤運則譏察有人勢難飛越惟由牙橋出口則乘流潛渡莫爲稽查此各奸所以

必欲開此河也牙橋開而上下河通矣上下河通而上河洩矣一線之源不勝尾閘之注建瓴之勢雖施隄防之工故三時雨集始可通行一月不雨其涸立見上河涸而上十等十二場運鹽之路阻矣於是三年兩施挑濬鹽商猶告河淺而不知上河雖濬及泉猶比下河高踰數丈豈能使水停蓄而不涸哉雖一月濬無益也夫牙橋未開之先上河十餘年一濬而猶深牙橋既開之後上河三年兩濬而即淺其故可思矣故私釐滿載四出於水溢之時其害一引鹽壅底坐困於河涸之日其害二挑濬頻數委帑金於無盡之壑其害三此三害者釐政之大蠹皆牙橋爲之也至於民間之害又不止

此阜通海三州縣上十等十二鹽場灌漑舟楫之利河上河涸則桔槔廢而禾苗立槁爲農害飛輓輿而貿易不通爲商害跋涉苦而竭歷重跡爲行旅害又如軒輶往來采風考政歲數弭節輒虞舟膠誤入惶恐勞費否出至於三地漕儲咸取此道舳艫相銜蹇澁不前展轉繼載荼苦萬狀則又其害之大者夫牙橋一開而八害章章上病國計下厲民生騰萬口之咨怨決不測之隱憂奈之何不亟塞也假令牙橋可以不塞則泰州北門不必設有數壩矣海安亦不必有東中西三壩矣泰州之有數壩與海安之有三壩也正以上下河之不可相通也上下河不可相通則泰州海安不可無壩泰州

海安不可無壩而牙橋獨可不壩乎况牙橋與海安中壩相距二里而近豈在海安則畏上河之洩文之壩牙橋獨不畏上河之洩乃開之乎則牙橋之當塞益明矣且富安之告開牙橋也不謂運道之艱乎而富安運道故由濶河直抵海安中壩二百五十餘年未之有改也河名曰濶其濶倍於上河卽今水深丈餘勢甚急方舟而載而乃獨艱於運鹽乎又安得以濶口也卽以牙橋既塞之後爲富安計或仍由舊濶河抵中壩舊河有舊河之水故無阻也祇一盤壩耳或卽由新開河抵牙橋壩新河有新河之水亦不因塞壩而無水也亦祇一盤壩耳若云盤壩不便豈高郵泰州之壩也

牙橋之壩獨不可盤乎豈安豐東台各場之鹽至州高郵者可盤壩而富安之鹽獨不可盤壩乎豈二百五十餘年可盤壩而今日倏不可盤壩乎所未解也一盤壩其勞幾何其費幾何省一場盤剝之小費給三州縣十二場剝膚之近災惑一時奸宄之邪謀豈二百五十餘年祖宗之遠慮其利害得失固不待再言矣然而奸竈曉曉猶藉口熒上者第以經題請費八千耳不知士民之所苦控者塞壩也非塞河也壩塞河未嘗不在奚戾原題河在而舟未嘗不行詎虛工費康院當日之疏原爲開河以便鹽運非欲撤壩以通河也則今日之塞壩又豈爲翻案哉竊睹當事者之

興除也欲便民尤恐病民有苦心原無成心故朝令而夕或更此行而彼報罷決不以一時之誤舉成百世之厲階而況于事非更張情無矛盾者哉唯將牙橋壩塞上遵高皇帝之祖制急解千萬姓之倒懸竈之私遠弭通江之害三州縣士民幸甚十二場幸甚

知縣李衷純請塞牙橋申文為懇遵祖制乃閉牙橋通運河以甦民困事抄蒙本府批據泰州申詳緣前事蒙批仰如臯縣覆議確報等因蒙此遵依隨該覆議確實竊自灣頭鎮起由泰州達如臯至通州四百餘里僅一線之河以轉輸四州縣漕米載運

場廩鹽灌溉數百萬田畝流通數百千賈舶緣別無支水故稍稍足用獨牙橋小河係張士誠走險之路國初填塞碑禁可觀二百五十年民竈相安別無異議自萬曆三十九年富安奸竈欲行私鹽罔上誤開河水盡洩萬害俱集卑縣曾具申前任按院王蒙批限一月塞報如有奸民敢於阻抗盡法究治第以害在如臯而地在泰州不敢自專尙未舉行頃者鹽院海道東巡士民擁路呼號蒙本院本道俱批送本府批送本州本州業勘議具申復蒙本府批仰卑縣覆議確報深荷再造洪恩出百姓于湯火而登衽席本縣係本州屬縣本縣之民卽本州赤子本州建議虛公必不忍偏一場奸竈而禍

一縣良民卑縣又何敢復議惟是中有泰州分司手本語頗繆戾而議出沈州判者有公言亦有偏詞卑職不敢嘿嘿以負盛心據泰州分司手本謂通融水利民竈並生下十場與上河水唇齒相依呼吸爲應不知石港豐利餘東等十二場屬通如海者爲上十場運道由上河由灣頭出閘富安安豐東臺等十場屬泰州興化者爲下十場或由秦潼車塚等河或由泰州北門高郵北門過壩惟富安一場則有潤河四十里至海安中壩過壩此上下運河各現有一定之路祖宗制度不可踰越無非阻其捷徑以防私鹽出沒自牙橋開而下十場之私鹽盡由此出矣且上下河相去數丈乃天地所限必

不可通若一相通必致建瓴奔決上流瀉盡今日牙橋之害正在此所以必築壩阻隔到處皆然卽如泰州北門亦設有數壩若謂牙橋可開則何不開泰州北門之壩以資灌溉耶昔也借富安以開牙橋今也借十場以助富安其說愈出而愈支離矣據沈州判回呈謂塞則運河不患淤淺豈惟臯通海三州縣之利亦本州之利又云十場之水未嘗不與富安相通當日富安議開是河灌溉本托詞興販私鹽是本謀如必謂害新河未開之先本場亦何以自立至今哉則議塞亦便此洞晰其事允符公論乃後又變而爲塞賁家集仍通花家橋之說抑河自相矛盾也夫由官河閘口進之則牙橋此總

路也又進之則花家橋分二股東北去爲賁家集止通富安一場西北去爲鳳凰橋則環遶海安之後滙于濶河仍通富安各場者故一塞牙橋則別無旁洩若不塞牙橋姑借塞賁家集以謝公論水仍從花家橋西瀉乃狙公朝三暮四之術不可以欺三尺童子而敢以欺本州乎此雖沈州判巧立其說答海安私鹽窩固諸家之情據其圖一看其說立破不待辯而自明矣至于塞牙橋留涵洞以通一線具見本州委曲調停雅意但前者海道熊轉申本縣備陳開牙橋之害蒙鹽院謝批此河之害至於若是法應議塞減水閘猶非永久之計且以調停一時耳於是本院給銀于牙橋水口砌石爲閘閘

上加板三塊爲啟閉鎖匙掌之本縣心亦苦矣功畢未二三月而富安奸竈沈良等聚衆數百橫販私鹽一夜盡行掘壞當時撫按鹽三臺震怒嚴究雖拿良等九名祇以首名城旦令其砌還前閘餘皆輕縱而中復有護之者至今此案未結閘亦未砌卽頃者鹽臺東巡卑縣稟之本州出示暫築土壩以行官舫築僅二日海安窩家復行毀去本州亦不敢問竊恐砌閘留洞不過暫飾目前將來之爲沈良者不少徒歲以飽委勘衙官之囊填承行吏書之壑於三州縣生靈上十二場官鹽無一毫實際也至題准之說乃滑胥之受厚賄者向每以此阻撓不知此可寒懦怯之膽不可入正直之耳蓋爲奸

竈而壞祖制者尙且一時悞題豈益地方而復祖制者不可亟疏請正今三臺道府皆天挺名世洞燭民隱抗章上聞特一舉手又何以難焉故此一役也但當權利害論是非不當體恤奸民蓋開則下十場私鹽與海安私圃受其利而三州縣百萬生靈與十二場官鹽受其害開則張士誠叛寇私鹽之捷徑爲是而我太祖高皇帝神明經制以杜後患遺太平者爲非此亦何待詞之畢而決哉且痛非剝膚則臯爲維揚最下邑士民貧而嗇豈肯自捐已資以塞公共之閘惟情迫無奈不得不割肉以補瘡卑縣若可別救亦豈樂犯奸民之鋒惟一月不雨河底揚塵時鹽臺本道東巡目擊心傷共爲咨

嗟今復亢旱舟楫不通桔槔無用畝畝悲怨道路慘急更無別計可施真有頃刻不能待者卑職忝爲民父母地方受害如此不能爲民請命溺職之罪惶愧欲死伏乞俯念民艱特賜主持亟允本縣自行填塞山水口以至牙橋其路稍長庶奸民不易于開掘不惟三州縣免顛沛之苦十二場官鹽亦不致底滯朝廷尙有紀綱國家幸甚地方幸甚卑職幸甚

知縣李廷材築壩揭如臯與通泰海門共一衣帶水自揚州灣頭入口先泰州次如臯又次通州至海門而盡此一水也四州縣田里之灌溉與漕糧鹽艘之運道全賴焉最不可旁有洩之者無奈海安一壩被悍竈詭疏

而橫決也壩當泰臯交界處泰州之忌忌其下流之斜
洩臯通之忌忌其上流之旁奪而總憑此壩爲捍障訪
之故老僉稱海安向無支流作備於僞吳張士誠云士
誠蓋起家場竈也彼其謀事不軌故特開此爲航海捷
徑自是而場竈販私劇寇揚帆倭夷唱棹亂端叛萌芬
出而不可禁已我太祖定鼎建議者始請命壩之築土
堅厚約可一二里許實有永不許開之禁二百五十年
來遵守無異邇以富安場竈設奸瞞聳且前分司力爲
居間斡旋所在猾胥又作祟焉而遂以誤請疏通矣旣
亦旋覺旋悔而無如汗無容反也至今田里與運道交
病士民剝膚歷年號籲前府州縣洞悉其苦獨念事類

題奏始爲小補工夫議建平水石閘聊以節其狂流蒙
鹽院發銀六十三兩九錢七分五釐委泰臯共董其役
伐石鳩工廻瀾抵柱澗可丈餘高可二尺五寸委曲調
停意綦苦而力又綦竭矣乃工竣未數月而富安野竈
輒以一夕盡之其悍至于嘯聚千人拔屋燎火守者不
敢問巡司不敢禁地方不敢拒片石寸土不少愁遺其
水勢遂以建瓴橫下而正河立涸矣本縣隨行督築小
壩以收勻潤旋築旋挖兩月之內築而復挖者凡三固
已無如之何也計所謂爲民請命者惟是遵照國初舊
制填塞數里乃爲長久之策耳而其要總在題奏倘獲
俞旨填復故基庶悍竈不敢肆其憑陵而壩址永固橫

決不復洩其尾閘而正流常盈漕運鹽艘攸往咸利歲可省疏濬千萬之費所在田壤斟酌飽滿四州縣其含嬉而歌帝力者又無量矣是役也蓋四州縣公共之舉而臯獨多言者緣泰州於此壩爲上流其取潤或可先足通海于此壩爲尾道且襟江負海挹注猶可別借惟如臯介處中央吸勺僅此一水若復旁奪是焦喉之症而枵腹之災也故臯民與悍竈爭命比通泰偏急云嚴爾珪碑記余嘗反覆東南之大利大害無先於牙橋口之開塞也開則病國者半焉病民者半焉塞則有全利而無少害曷言乎病國也國家漕賦取給東南而揚爲轉輸孔道揚之他邑盡澤國也獨通泰二州如臯海

門二邑咸恃淮水入上河以爲漕而牙橋實據上下河之衝下河較上河陷十許丈故淮流日夜自牙橋赴之勢若建瓴而一綫之源不勝尾閘之洩僅一月不雨其涸立見於上河矣則病漕至諸鹽場之運其由上河者十之九獨富安一場在牙橋下流耳而上河水涸引鹽坐困則病課上河屢涸而屢浚亦隨浚而隨涸然每浚輒費帑萬餘金而牙橋口爲漏卮焉則病帑且也牙橋之開始自勝國之季僞吳張士誠部運私鹺轉鬻吳會而我高皇帝開國之始首詔塞之業已二百年矣萬歷中葉羣不逞祖僞吳故智合謀誑開自後私鹺紛出莫可誰何而潛引海寇浸釀禍萌則病防曷言乎病民也

四州縣之桔槔廢而畝日焦卽沃壤猶石田也則病農數百里之飛輓艱而貿易不通計無復之矣則病商采風之舳舻不易前而候人惶恐勞費百出則病役以至生徒之就試負擔之往來俱舍舟楫而竭蹶于車塵馬足之間奔走于短堠長亭之下則病士若旅凡若此者有目者盡能睹之有口者盡能言之也而一塞則轉害而爲利且轉大害而爲大利是宜沉璧馬與版築不俟終日矣然歷三十年來厥利未興也厥害未去也上河之道日壅而下河之流日溢也版築之聲日寂而伏戎之患日深也卽有調停僅立石閘焉旋即强悍毀之必待我李公然後塞者何也曰是有三難夫羣不逞者利

在私販而不恡行數千金以圖與援皆大力而不易撼者則難諸居河之麋者有拳有勇職爲亂階而羣小復捐金以市之俾朝夕潛伏以伺我朝而木焉竹焉石焉土焉我孔熯矣夕而盜決之也一鋤任耳不勝決亦不勝堙則難守令之權輕其上而臨我者非一人且非一時甚或此可而彼否前甲而後乙而請事者復首鼠兩端未有以堅持之也則又難噫難矣而我李公來東臯遂若無難焉者則又何也蓋公之心計非一朝矣有尼之如前所云者公慨然誓曰所不此塞有如河由是身任其事任所以齟齬者百端屹不爲動因歷請于諸上官咸報可而會巨憝數人爲上臺所偵其人故夙倡阻

及事果志 卷二
撓者也則以屬公傳爰書公如法逮治既伏其辜矣因
間與約若曹力抗牙橋之役信自健然能轉敗以爲績
乎能則吾將請于上臺亟貸若罪且旌若功巨慙知公
得其情自救不贍卽蒲伏應曰諾而其家人反先衆負
土填河遂無復有尼之市之盜決之者庶民子來不日
成之矣嗟乎精誠之至人定勝天上裕國中贍民下寢
奸厥功偉哉設前此者心力盡能若公何至任其受病
若彼而最偉者尤在因乃人集乃事能使彼夙號渠魁
者不自用而爲吾用此其先事用識臨事用才有古英
雄豪傑所相視而不敢發者而後乃知成天下事果不
可以一法盡也經權常變之交大利大害間不容髮

呼難言之矣公所利在東南不獨四州縣也而四州縣
之德公爲甚不佞承乏通海頗有同心蓋嘗爲通海建
閘若橋焉而况是役也寧不樂觀厥成乎乃通海之士
若民紛紛來請碑也僉曰李公之利通海也不異東臯
也東臯之德公者千萬年通海之報公者亦當千萬年
矣余爲書是役之顛末以應之而且以告夫來茲之遞
紹公者公名衷純字元白吾浙之秀水人繇萬歷壬子
高科第來爲東臯令其異政種種不勝書今行且內召
云

莊有恭禁開泰州海安鎮徐家壩碑記運河自揚州茱
萸灣分支南下歷泰州如臯達通州地勢高仰爲上河

如皋縣志 卷二
若高郵寶應以東泰州海安鎮以北地勢卑窪爲下河
兩河高下踰越至數丈而海安鎮東徐家壩實當上下
之衝元季張士誠鬻鹽爲奸利嘗於此開牙橋河以便
私販明洪武初始築壩遏之自後常閉不開萬歷年間
有欲開此壩者如臯前令李廷材李衷純先後力爭得
止夫海安泰州境內地距如臯縣治且五十里然而前
令於此斷斷不少瞻顧者誠以如臯一邑藉此壩畜水
灌溉河身旁洩則鞠爲泥塗故越境力爭而此壩迄於
今數百年不改也乾隆壬申夏泰州場商吳顯隆等請
於徐家壩建閘通舟復請先設石涵洞以資宣洩有司
者不察浮言一興遽聽開掘吳顯隆等又於壩東添設

新涵洞一座由是上河之水奔注下河如臯士民環顧
請命余詳閱州縣志乘復親至海安相度微特徐家壩
口一開若高屋之建瓴水卽壩東涵洞奔流直瀉亦與
開壩無殊爰命有司并卽鳩工堵閉以還舊制嗚呼爲
川者決之使導古之訓也然籌之不審則利民之政適
以病民卽是壩可觀矣場商等以下河淺涸妄思開壩
而海安鎮西舊有張陳茂涵洞故址尙在一加修濬卽
可通行何必眈眈於此龔張士誠私販故智耶工旣訖
如臯令請爲文勒石永禁余因詳其始末以示來者而
系之以詩詩曰長淮浹漫遠連河江析爲支流至於海
邦爰釀通渠溉稻與梁有盜鑿之泰州之張明初築壩

峻立堤防迨我

功安流有常孰階之厲厥惟場商陰擇私便敢隳前功我
乘至止勢如奔淙漏卮不塞耕稼奚望乃楫乃築無或
不農堅如石城瀦如陂塘澄波淼淼清畎泱泱穉綠含
滋茂實垂黃我告長吏經畫維良毋徇浮議毋忽舊章
毋分畛域此界彼疆毋我戮遺永俾樂康

知縣左元鎮禁開牙橋壩碑記事有有害無利而嘗試
一不可依違不可者如議開海安牙橋壩是已元末白駒
鹽徒張士誠始開牙河爲鬻販私鹽捷徑明初築壩堵
之禁復開綦嚴萬歷間竈民竊開河流日涸臯邑冒日
乾上議塞牙橋揭歷陳諸害天啟初邑令衷純李公申

詳請塞乃復舊制

國朝乾隆十七年復有私開者邑石立史策冒藩呈請州縣
通詳各憲大中丞滋圃莊公躬詣勘查謂此壩啟閉不
特如邑民田攸繫亦與通分司鹽運有關立飭堵築勒
石永禁私開並飭壩東新涵一體固閉數十年來臯民
乃無石田之虞丙寅歲下河居民又有懇懇復開者邑
紳范維鍾朱大剛冒弼工熊炳綸等呈請再申前禁余
蒞臯二載固知上河帶水爲通如水利所關九場運漕
所係因爲稽查舊案陳其弊病移商通分司張公應銓
而張公亦力持是議會詳各憲其事乃寢夫專利病鄰
古昔所戒今此壩塞而上河之灌溉轉輸皆便至下河

之富安各場自有張陳茂涵洞舊時水道可通非如牙橋一開上河獨受其害下河並無其利也孰若不開此壩上河可以無害卽下河亦未嘗無利之爲善哉則閉而勿啟當爲定制若假私販者之途以滋無窮之弊有識者當不爲此也故析言其理以爲議開此壩者告用以杜覬覦之端並以破將來嘗試之說依違之見也

又東四里逕立發入如臯境

春秋哀公十二年公及衛侯會吳于鄆杜預注鄆發揚也羅泌路史鄆吳地發揚也注云廣陵東南有發繇口卽今立發也

又東南五里逕二十里墩一水從二十里墩折而西曰陳

家溪南流十四里逕葛家橋合於孫公鋪

又東南五里逕古渡頭又東南五里逕孫公鋪一水從孫公鋪折而西合於葛家橋南十五里逕濫鼻橋折而東南流五里逕蘇家橋

又東南十里逕柴灣又五里過唐家缺又五里逕三台山又三里至如臯城壕河逕西南二門弔橋從東北逕惠濟橋折而南至老壩又東五里逕盧家壩一水從盧家壩南流三里許折而東流合宋家橋水東五里分流折而北皆會於運鹽河

又東十里逕湯家灣邗溝鋪一水北流通凌河

呂克孝云相傳吳楚會於邗溝卽蟠溪地也吳王夫差

將北伐齊先於邗江築城開溝東北通射陽西北至末口江淮之水自此始通此一邗溝也漢吳王濞自茱萸灣開邗溝通海陵倉達蟠溪以通運道又一邗溝也

又東五里至東陳鎮一水從興隆橋西北流二十里許至薛家莊又五里至薛家菴會東陳張草港水流入十竈又東十里至蔣鋪又東十里至丁堰進鹽河止此一水逕丁堰間東流爲諸場鹽河之總口詳鹽場河

自丁堰以南淮水去路南十里至劉師鋪又南十里至林梓又南八里逕鷓鴣灣又南五里逕三里樓

又三里至白蒲鎮折而西一百二十步有宋海運石閘故址

宋史河渠志紹興初以金兵蹂踐淮南猶未退師四年

詔燒燬揚州灣頭港口閘泰州姜堰通州白蒲堰卽謂

此閘也

又南過北石橋至西亭壩入通州界一水從西亭壩出口八里逕龍舌橋西南流十里逕鄭家店又五里逕吳堂橋二十里至絲魚港入江又一水從龍舌口西北流二十里逕李家橋又五里逕趙家橋一水折而南流逕營家圩至營房港港南通普濟等圩西夾橫泐南通長盈沙東南通大江又趙家橋一水折而西南流逕車馬湖又逕泛湖洲二十里至郭家園又一水折而南流逕大馬橋十五里至四號港入於江一水從白蒲鎮東流逕便里廟薛家關帝

廟通六祥符湖亦名高陽蕩一水折而南流通石港場入
通州界又一水折而北流逕顧家高橋花園金家口會
裕河水又折而西北流逕李家園湯家園叢家口會雙店
下又折而西流逕薛家橋崔家橋崔家河二十里至丁堰
會於運鹽河

馬塘河從縣南壕南流逕三接橋又十三里逕楊花橋
水通毛雉河由宋家橋袁家橋至盧家壩出口

楊花橋折而西逕龍游河亦名九十九灣北接運鹽河
南通揚子江故一名通江河

按通江河兩岸沙弱善崩時苦艱澁江湖所納未及其
半而運河南注亦不可收議者欲於潮水將盡處築一

石礎又於河口開城處築一板閘礎取平水則江湖有
容受之區閘取障水則河流無乾涸之患後秀水李尹
建石礎於江口

邑人李之椿碑記東臯之遶城而濠也如帶焉濠東南
闕而爲南馬塘河直射而南迤爲九十九灣之龍游河
滙江湖入海之道也以形家言河在澤宮東南吳水不
宜洩而南下最駛欲貯之無從謂地勢何前令商城熊
公嘗于橫河築土爲埭旋以調劇去未竟今秀水李公
治臯未兩載凡民間之隱瘼一邑之形勢利病如腹畫
掌列纖毫不濡而于茲舉尤亟亟焉乃單車蒞江上相
地宜酌去江麋五里在明禧寺之左方翔石礎廣其址

如皋縣志 卷二
二丈許崇方廣五尺許肇事于天啟辛酉之七月望日
報竣于明年壬戌之正月望日石伐於洞庭工鳩于吳
會費樂輸于衣冠之族而公以退食之佚佐其成而又
環河濬淪于是江湖浩浩可引其入而使之潏也河流
漫漫可緩其去而使之涸也澤宮之異水滌文學之風
氣萃矣不寧惟是向畏綠林縱橫茲設險阻塞奸宄不
得操輕刳往來村無吠厖矣向賈船過門不入茲棲託
有地夕陽飄影競集沙汀百貨且灌輸矣向夾岸田疇
皆龜裂僅值花豆茲桔槔可施禾黍彌野悉成沃壤矣
一舉而諸利畢臻如此舒州之漕瀆慎子之茨防鮑昱
之石洫何足論焉石礎之制自張發運公綸造于江淮

以抑橫流至今賴之史起決漳水以溉鄴田僅僅一端
耳致民有聖令之謠名冠後而實及世也公是舉倣綸
之制媿起之功而利澤更宏明德更遠則名冠後而實
及世豈有既乎礎之右邑人樹三楹欲爲公建生祠公
堅辭勿許命爲書院羣南江士人課業其中而時訓誨
焉諸父老屬余小子碑敬爲月而日之以紀盛舉云公
名衷純字元白號廣霞先生

乾隆五十三年知縣譚大經率巡檢盧廷桂紳士朱國
頴移礎於近江扇面圩五十六年知縣曹龍樹巡檢劉
文瀚竣其事

又逕大名河一水通大名橋

又逕洪家渡一水南流通南馬塘莊又折而西南逕小磨頭又西南逕大磨頭又南逕茶庵譚家庵劉家渡韓家渡又折而西南逕陳家灣錢家橋李家池至石莊鎮又石莊板橋折而西南逕永樂橋南逕張黃港又西流折而南通夏泗港又折而北通洛馬河又西入靖江界
岳子河從縣西壕河折而北流五里逕蘇家橋又北逕王施陸家橋一水由西蘇家橋至葛家橋出口三十里通孫公舖復折而西五里東三元橋又河北西紅橋由袁家橋十里至溪河
又西五里逕謝家店鳳皇橋一水十里通黃蒲溪
又西十里逕加力菴東潘涇西潘涇

涇上舊有便民倉有倉池倉橋

又西十里逕牟尼湖

古老相傳牟尼寺蛟化而爲湖通潘涇芹湖

又西逕夏家埭河南支河一道十五里通高明莊又西十里逕芹湖

距治三十里安定鄉北通溪河西連泰興湖水明淨葭葦如雪羣雁家焉盧志以芹湖鳧雁爲勝景今悉化爲平田縣西水利無急於此及時疏鑿誠先務也呂志湖有皂莢樹圍三丈許相傳明初朱將軍顯忠挂劍樹萬歷間有朱希周者嘗爲古田典史欲伐此樹甫施斤而血出希周不顧竟伐之三日暴死亦有濯龍樹之異矣

又西入泰興界

串場河從運鹽河立發橋進口貫通豐利馬塘掘港三場
出了堰閘仍會於運鹽河爲通州分司諸場運鹽出口之
總路

入立發橋折而東逕峴子灣又東逕西楊蠻河一水南流
逕丁家莊八字橋出口抵運鹽河南通如臯北通泰州近
年橋下設木柵阻舟行防私鹽竊出

又東九里逕史家窑至東楊蠻河一水北流通泰州界富
安等場三十餘里

又東逕陸家淺又東九里至西場一水逕惠明橋里許至
古河壩過壩逕老鶴嘴永興閘十八里至李家堡

知縣鄭見龍碑記治北李家堡鎮之西偏名老鶴嘴其
爲水所滙者有三河焉曰古河洋河新河新河爲離運
之河上接淮水頻年疏濬較古河洋河深八尺餘古河
爲民地內河洋河爲竈地內河雖流與新河接而濬串
場河道者不及之以故日淺且淤農民無以爲灌溉竈
戶無以爲樵煎於是築壩之議興焉第壩埂中流不便
稽楫農竈商賈交相病焉必農竈之所利爲商所不必
資而又未始不取資者亦務有以兼及之而後協乎商
與農竈之心而後官斯土者亦克自協其心夫離運新
河雖藉淮流然古洋之水亦其上流也惟易壩而閘則
停溜蓄滿旣利古洋農竈而且曉啟閉又便船艘往來

一旦新河水溢則啟板下注亦正有助於衛運農竈商賈不惟不相病而實均有所利則開之爲功誠不小哉乾隆六年地方以築壩請以議不合罷之十二年四月居人仲之珍仲之琮繆光祖康五柳等以公捐建閘請巡司易祖愉力爲愆憇余乃詣老鶴柴會拼茶場勘議目擊情形因固請於上臺悉報可遂甃石而腫之噫嘻古河之畔四洋之間數十年來有欲行而不能請請而不克行咨嗟太息付之無可如何者茲不且隨其所就之淺深而均沾惠澤同登樂利也哉

又東九里至丁家所東流逕樂善橋季家油坊周魚溝又東九里至范家淺又東九里逕新河口十八里至李家堡泰如分界一水通拼茶富家灘兩場直抵黃沙老洋黃沙新洋范公堤一水從黃沙老洋南流逕川子口折而東南流逕豐利壩又南流至岔河鎮板橋會於運鹽河一水從黃沙新洋南流折而東北流又折而北流逕玩月橋甜水港至范公堤入於海又從玩月橋折而東北流至豐利場鎮一水從豐利場北流逕環港至范公堤入于海又一水從豐利場板橋折而東北流逕三港至范公堤入於海又一水從板橋東流逕供聖橋折而南流逕涼月河直挺河至馬塘場鎮會於運鹽河一水從馬塘場東南流逕民鹽河港折而西南流至石港馬塘交界又一水從馬塘場東流逕環上至掘港場鎮一水從掘港場逕減水閘西北流

女界集卷二 卷一
逕王家潭至范公隄苴洋河入於海

崔桐記夫水民利也亦民害也水何心於利害而爲之者人也有人焉天不能災地不能厄無人則反是吾揚澤國也東土尤下且多淤澇易溺旱易涸歲常爲四民憂正德庚辰商有蔣彥者告病於侍御鄭君浩然君爲憂之以諮如臯邑侯徐君相侯曰民之病相既知之矣江海之水東派入河河入諸場分豐利歷馬塘抵掘港掘港其正支也民之受利者水水之可蓄洩者閘掘港宜閘前侍御雍君爲之矣弗固則弗永浸淫遷之民間矣弗公則弗利欲紓民病以無憂執事計莫如建閘侍御可其計侯乃告諸衆曰今斯之治水者將爲民利也

一而傷財與弗久非利也某民可勸某商可勸以無煩於民者有財可集河木爲堅何石爲堅可固諸永永者其財當慎閘成桐乃作而嘆曰侍御之所司者商竈也利澤之餘農或及焉徐侯之所司者農也而惠養之餘商竈因之所謂有人之利其不在茲耶其不在茲耶
一水從減水閘逕太平橋北流逕陸家河古竈至范公堤入於海
一水從太平橋東北流逕岔河長沙至范公堤入於海

水泉彙載

江橋河 馬塘河 窰子河 許家河塘 石家河塘

沙家河塘 以上俱在城內 毛雉河 城東南十五里 葛堰河 城東南

十里 丁堰河 東南四里 菱河 後丁堰 崔家河 東五里 岔

河 東八里 大名河 城南三里 闕家河 南七里 絡麻河 名一

洛馬河 西南 南梁河 北梁河 俱南赤岸鄉 小溪河 城北西

東楊蠻河 西楊蠻河 俱北城 黃家河 東豐利 玉帶河

龍游河 馬塘南一名通江 河舊傳龍過而成

六祥符湖 東南六里 車馬湖 東南六十里 舊傳范蠡為

此於 泛湖洲 天生港 私魚港 營房港 七

秀水港 城內俗名 秀才港 號港 季家港 四號港 穿心港 進水港 雙烟

墩港 文卿港 碾砣港 張黃港 乾隆五十三年知

履勘濟通 延桂同董事 海壩港 周家圩港 柳家港 分界

港 下泗港 與靖江交界 觀音港 縣東五里 掘港 東

百三 大貼港 在掘港 新開港 在豐利場 甜水港 在豐

張皂了港 在馬塘 薛家港 老港口 又名東壩 新開港 名

西壩以上三港皆名 商家港 在掘港 許橫港 在安

日叢家壩 在霜甸鎮 了凌港 縣南五里 高港 縣北二

土墩港 縣南五里 十三里港 北 沈家港 西南三里 張

花源港 縣北十里 草港 太平港 西沙恒盛圩東夏光

鄭公灘 在豐利場 顯范維鑿詳請開濬 雲灘 在西埠 抱石灘 在石莊舊

即此 彭家灘 蟠溪 在赤岸鄉 黃蒲溪 在縣西北 羸溪 在安定鄉東

葛家溪 在赤岸鄉 陳家溪

疆域

三

東潘涇 西潘涇 在安定鄉

陸家淺 縣北三十里 康家淺

清水溪 在豐利場 宋家澇 在掘港

邢溝 在豐利場 八尺溝 在縣西北八里或云空尺 張草溝

黃沙洋 在豐利場東北 周家洋 在縣西南 儲家洋 下洋

高陽蕩 即六祥存湖 東蕩 在蒲東 彭家蕩 縣南三里 季湖蕩

縣北二十五里 花家蕩

嚴家灣 城內西南隅 史家灣 北門外 湯家灣 東十里 施家

灣 東三十里 徐家灣 東 腰池灣 東六十里 毛家灣 掘港

場西 柴灣 北三里 梅花灣 北三里 鰕子灣 北 宋文天祥曾

此過

菖蒲澇 縣南九里 密塢潭 縣東二里

焦家渡 韓家渡 洪家渡 劉家渡 俱縣南龍游河

藕花池 城內儒學西南 鳳皇池 城內窰子河口 杜家池 城內西河 薛

家池 城內東北 玉蓮池 城內定惠寺 洗鉢池 城內中禪寺 詳古蹟

蹟 泮池 儒學前 古泮池 中禪寺前 連珠池 縣西北二十里 詳古蹟

菱池 東門外 楊花池 縣南十里 倉池 在潘 王家池

縣南二里 三角池 縣西 金孩兒池 縣北二十里 詳古蹟 驛馬池

梁公井 明嘉靖六年知縣梁喬升鑿十井俱在城內 惠政橋 西北各二 武廟 西一 馬神 二大井 廣

廟內一 通江橋 今俱禪塞 寺前 伏海 玉涓井 在舊儒學 甘

露井 在舊東嶽行 丁公井 院中詳古蹟 瓊井 通

苦大旱不竭 霞山井 寺前 玉涓井 在舊儒學 甘

露井 在舊東嶽行 丁公井 院中詳古蹟 瓊井 通

內菴 潛玉井 醉茶菴前 德井 掘港東營內永樂中指揮姚麟備倭鑿人共德之

楊花井 縣南楊花橋 潮井 石莊道院內泉隨潮盈縮 度軍井 在縣西十里詳

蹟古

四境

縣治在通州西北距州治一百三十里東至掘港都使司一百三十里抵海一百六十里西至泰興縣分界六十里南至石莊巡檢司六十里抵摩訶山竹排嶺一百二十里北至西場巡檢司三十里抵海九十里西北至立發橋泰州分界四十五里東南至白蒲鎮中板橋通州分界七十里西南至絡麻河靖江分界 里東北至拼茶場泰州分界 里廣一百八十里袤一百七十二里抵京師陸

路二千二百七十里水路三千五百五里抵江南陸路五百一十里水路五百三十五里抵揚州府二百九十里抵泰州一百六十里

四廂

縣轄四鄉鄉轄十六都都轄三十二里其附郭者別為四廂合竈戶六里凡四十二里
東廂一里西廂一里南廂一里北廂一里

四鄉

江寧鄉轄都四為里者九十二都一里十二都二里十二都三里十四都一里十四都二里十五都一里十五都二里十五都四里十六都一里

安定鄉轄都四爲里者七九都一里十七都一里十七都
 二里十七都三里十九都一里二十都三里二十都五里
 赤岸鄉轄都四爲里者七七都一里七都二里七都四里
 八都一里二十一都一里二十一都二里二十三都一里
 沿海鄉轄都四爲里者九二都三里一都四里一都十里
 三都一里四都二里四都三里六都一里六都四里六都
 六里
 竈里凡六一都一里一都二里一都五里一都六里三都
 二里三都三里
 縣之井里田廬鹵亭鹽廩稱名曰鎮曰市曰莊曰堡曰塚
 曰埭曰坦曰所曰店曰頭曰舍曰埠曰原曰竈曰口曰坵

曰環曰堰曰場曰坎

縣東十五里灣曰湯家灣二十里鎮曰東陳鎮堰曰葛堰
 潭曰姚塢潭三十里竈曰十竈口曰車凌口三十里舖曰
 蔣婆舖四十里鎮曰丁堰鎮五十里店曰十家店六十里
 店曰雙店莊曰東洋莊西洋莊鎮曰岔河鎮十二里至豐
 利壩十八里至豐利又九十里鎮曰元興鎮卽曹橋坵曰
 上坵環曰顧家環百里場曰豐利場馬塘場一百三十里
 場曰掘港場坎曰南坎北坎
 縣東南十五里莊曰冒家莊三十里頭曰菴頭堡曰曹家
 堡口曰木杓口五十里莊曰南豐莊鎮曰林梓鎮七十里
 口曰龍舌口園曰郭家園薑芥園鎮曰白蒲鎮

縣南十里莊曰胡家莊劉馬莊頭曰號墩頭十五里堡曰
 賈堡二十里舍曰郭家舍二十五里莊曰官莊曰張莊曰
 草張莊蔣家莊宋家莊頭曰磨頭小磨頭之南三十里原曰下
 駕原莊曰朱大原莊埭曰三陳埭莊曰高家莊沙家新莊
 五十里竈曰羌竈坦曰鄔區坦湖曰車馬湖莊曰陳家莊
 蔡家莊五十里洲曰泛湖洲六十里埭曰柳家埭店曰沈
 家店坎曰鶯坎鎮曰石莊鎮

縣西南二十五里頭曰官制頭莊曰東張家莊三十里莊
 曰西張家莊三十五里頭曰土山頭四十五里莊曰高明
 莊五十里莊曰楊鮑莊七十里堡曰唐家堡

縣西五里莊曰郎家莊七里堡曰何家堡十里莊曰邵家

莊十五里莊曰鞠家莊二十里店曰謝家店莊曰和尚莊
 三十里莊曰韓莊加力莊道士莊窰莊三十六里莊曰朱
 家莊埭曰夏家埭五十里莊曰盧家莊燕莊
 縣西北八里園曰水竹園十二里埭曰邱姚埭十五里莊
 曰進家莊二十里舍曰鞠家舍莊曰鮮魚莊二十五里塚
 曰南塚三十五里塚曰劉家塚景家塚七十里塚曰西沙
 塚

劉氏十五世明經記畧宋理宗朝劉氏基以明經令揚
 子揚子介六合江陽之間基之子孫遂家如臯治北之
 水竹園自基以下曰傑曰鉅曰鑑曰永曰林曰昂曰瑗
 曰謨曰詡曰科曰應祥曰夢星曰震曰學賢曰沾曰滋

曰灑曰昌蓮曰愈炤愈燦曰焮曰之彥之彪曰增燿曰
行健曰鍾悅凡二十七人歷世十五皆以明經起家先
是洪武初鉅舉經明行修科任本縣訓導講學於治東
五十里阜人呼其地曰劉師舖

縣北三里莊曰龔家莊八里莊曰八里莊十三里灣曰柴
灣二十里店曰孫公店口曰高岡口莊曰夏家莊紀家莊
二十五里頭曰古河頭三十里溪曰陳家溪三十五里淺
曰陸家淺所曰丁家所場曰西場四十里口曰立發口
縣東北十三里莊曰何彭莊四十五里堡曰李家堡堰曰
吳家堰

疆里彙載

東陳鎮

縣東二十里

丁堰

東四十里

林梓鎮

東南五十里

白蒲

鎮

東南七十里

雙店鎮

東六十里

岔河鎮

東八十里

石莊鎮

南六十里

安居莊

東南三里

蔣家莊

一東二十二里
一南二十五里

冒家長莊

東二里

老南莊

東三里

南豐莊

東南五里

東洋莊

西

洋莊

俱東六里

平田莊

楊家莊

雙店河北

冒家莊

二東

胡家莊

南十五里
北十三里

劉馬莊

劉家莊

俱南

段

家莊

一南十八里
一北五里

左家官莊

張家莊

草張家

宋家莊

俱南二里

高家莊

沙家新莊

俱南三里

錢

陳家莊

南五里

蔡家莊

王莊

南六里

錢

家長莊

南五里

鶯玩莊

鵲莊

俱西

東張家莊

西南二里

西張家莊 西南三十里 高明莊 西南四十五里 楊鮑莊 西南五十里

顧旺石莊 西南三十里 郎家莊 西南五十里 邵家莊 西南三十里 鞠家莊 西南五十里

西十里 和尙莊 西二十里 韓家莊 西三十里 窑莊 西三十里 西窑莊 加

力莊 石灰莊 道士莊 俱西三十里 朱家莊 西三十里 迳家莊 西

盧家莊 燕莊 俱西五十里 鮮魚莊 西北三十里 迳家莊 西

三十里 龔家莊 北三十里 八里莊 北大河邊有 夏家莊

紀家莊 北二十里 劉家莊 孫公舖 河西 何彭莊 東北二十里

范家老莊 丁家所南 范雲龍莊 北二十里 馬繆莊

九條巷 東三十里 王家巷 南七里

韓家套 北 靴套 東四十里

深家窑 吳家窑 南四十里

斗家店 東六十里 沈家店 南六十里 謝家店 西二十里

馮家堡 東四十里 張家堡 岔河 尹家堡 掘港場 曹家

堡 東南三十里 賈堡 南五十里 祁家堡 南 唐家堡 西南七

何家堡 西七里 夏堡 縣西 馬家堡 李家堡 東北四十里

南塚 劉家塚 俱西北三十里 景家塚 西沙塚 西北七

南坎 北坎 俱東一百三十里 鷺坎 南六十里

二陳埭 南七里 柳家埭 南六十里 夏家埭 西三十里 邱姚

埭 西北二十里 許家埭

陳草藉

唐家埭 掘港 正北 火燒埭 掘港 東北 鄔區埭 南五十里

丁家所 北三十里

老壩頭東三里 菴頭東南十五里 號墩頭南十里 大磨頭

南二十里 小磨頭南八里 官制頭西南十五里 土山頭西南

三十里 樓房頭 古河頭北二十五里 池汪頭丁家所北

唐家埠

馬塢

十竈東 彭家竈東 羌竈南五里

上均東九里

東菱環東三十里 西菱環東三十里 顧家環東百二十里 駱

家環 何家環掘港西

郭家舍南二十里 鞠家舍西北二十里

黃家市西南

凌口東三十里 木勺口東南三十里 龍舌口東南七十里 高

雨口北二十里 立發口北四十里 九龍口北

豐利場東一百里 馬塘場東一百里 掘港場東一百三十里 西場

北三十里

十里舖東十里 蔣舖東二十里 田家舖南七十里 孫公舖

北二十里



泛湖洲南五里

盧家壩東七里 叢家壩東七十里 東壩 西壩俱雙店 豐

利壩東八里 西亭壩白蒲與通州交界

唐家缺北壕邊邑廂壇 七里缺北七里

郭家園東南七十里 水竹園西北五十里



嘉善縣志卷二終


嘉善縣志

卷二

終

三





柳

14